

集部・總集類

廣東文選

北京圖書館古籍珍本叢

書目文獻出版社

北京圖書館古籍珍本叢刊

117

集部·總集類 廣東文選

編者 北京圖書館古籍出版編輯組
出版 書目文獻出版社

(北京文津街七號)

印刷 民航印刷廠

定價 玖拾貳元

SBN7—5013—0590—0/Z·22

廣東文選序

予承乏廣州甫下車卽以徵文考獻爲先務會番禺翁山屈子有廣東文選之役書成予覽而善之爲之裁定以爲嶺海人文其光明俊偉瑰麗多奇於此得其大槩是可與唐之文苑英華文粹宋之文鑑正宗相爲頡頏者矣噫嘻百粵之文獻自漢以來其盛遂有如此而昔之人猥謂祝融之墟日南之地其陽德之所炳耀炎精之所孕含多鍾於珠璣丹砂石乳伽楠諸物而罕鍾於人夫豈其然乎哉昔王僧孺爲廣州太守首表章董正唐頌羅威三孝子以爲粵獻之宗復表章陳欽之春秋詒楊孚之南裔異物志贊王範之交廣春秋黃恭

之十三州記以爲粵文之祖而韓愈刺史潮陽首置鄉校延進士趙德爲師勾當一州學事於是潮人彬彬向學遂與廣州諸望縣翕然有海濱鄒魯之風予不敏向爲珠江義學竊心昌黎之心茲於廣東文選復思事僧孺之事用是捐俸刊之俾輿僧志郡乘相爲表裏不敢云有功於南賢亦

使論世者鏡其得失謀國者準其經權語云觀一隅知天下斯亦策書之淵府爲周官外史之所掌未可以一邦而少之也

今天子右文覃精載籍數

詔天下獻遺書以充金匱石室之藏又

命儒臣編摩古今藝文以爲十三經二十

一史之羽翼此一書雖漲海珊瑚之一柯

羅浮孔鸞之片羽網羅摭撫未獲大全然其間以明經者極其精研以綜史者極其宏博以言道者極其淵邃以議典禮者極其正大以施政治者極其和平咸體正而辭醇雅莫不出入史漢沉酣八家言言有典有則斯又宗匠之規繩而學者所宜取法者也今天下直省凡十有六使皆有文

廣東文選序

三

選一書萃其精華俾無散佚則天下之文獻庶幾大備斯不亦洋洋乎成一代之鉅觀哉此不佞所以厚望於著述之賢如吾屈子而將以此一書為先聲者也然予又有說焉昔蕭傲為嶺南節度使官閒無事日以穀紙寫書而劉崇圭知廣州姻舊或有所干率不荅但寫荔枝圖與之是書梓

成予可以無費穀紙免異時薏苡之嫌而宦橐中以此為南物焉為聚珠扇焉即以荔枝圖焉亦無不可者斯蓋拙者之所得也哉

皆

康熙二十六年歲次丁卯十月既望知廣州府事梅川劉茂溶謹序

廣東文選序

四



廣東文選自序

番禺

山本

誤

夫子稱述而不作述之中有選存焉若書詩是也書始唐堯而五帝以來言不雅馴者勿道詩始殷湯而白帝皇娥塗山之歌言而荒誕者勿道夫子之慎其言如是彼夫左氏之述國語昭明之述文選是皆夫子之志也哉書詩如夫子一家之言國語文選亦如一人之所作以我範圍古人不以古人範圍我夫子者述者之聖二子者述者之明者也大都均不敏竊嘗取廣東先哲之文纂爲越語以附于左氏越語之後既而思之不如稱爲廣東文選更其題曰自序

於先哲之文如桑與梓存者爲先哲顯其日月光華刪者爲先哲藏其珠玉瑕類是吾之所以爲恭敬也云爾書成合詔令疏奏序記傳論碑誌之屬與賦頌樂府四五七言諸體凡爲四十餘卷梓而行之以爲廣東文集之先聲

凡例

一吾粵舊有嶺南文獻一書乃督學斬陽張公鳳翼所誤又有嶺南文獻續集一書乃督學晉江楊公瞿峽所誤皆起自唐開元年至明萬曆年而止今合二書爲一刪者五之增者五之刪其不文增其文起自漢文帝時至明崇禎時而止

廣東文選

自序

一

名曰廣東文選不仍稱嶺南文獻者蓋以嶺南非今代所命名而是書主於文不主於獻也其說則在廣東文集自序中矣

一予所編纂廣東文集自漢至今凡有二百餘家人爲一集集分諸體卷首載其原序卷末則載行狀傳誌但是書浩繁未能盡刻姑于諸集中拔其十之二三以見大槩不能連篇累牘爲先哲多所表章予之所不得已也

一予所選止于文蓋以文而存其人不以人而存其文故其文未能盡善者雖大賢弗敢多錄傳云言之不文行之不遠

一 是選以崇正學闢異端爲要凡佛老家言於吾儒似是而非者在所必黜卽白沙甘泉復所集中其假借禪言若悟證頓漸之類有傷典雅者亦皆刪削勿存務使百家辭旨皆祖述一聖之言純粹中正以爲斯文之菽粟絕學之梯航一爲文當以唐宋大家爲歸若何李王李之流僞爲秦漢斯乃文章優孟非眞作者吾廣先哲文體多出於正可接大家之武者實繁其人是選無遺美焉

一 吾粵詩始曲江以正始元音先開風氣千餘年以來作者彬彬家三唐而戶漢魏皆謹守曲江

廣東文選

自序

三

之規矩無敢以新聲野體而傷大雅與天下之爲袁徐爲鍾譚爲宋元者俱變故推詩風之正者吾粵爲先是選中正和平咸歸典則於以正人心維風俗而培斯文之元氣于是乎在以此選一邦卽以此選天下無不可者以春秋之謹嚴爲詩人之忠厚不佞竊有志焉

卷之二

詩

廣東文選總目

卷一

敕制 誥命

卷二

疏

卷三

疏

卷四

疏

卷五

表 狀 頌 箋

廣東文選

卷六

議

卷七

策

卷八

序

卷九

序

卷十

論

卷十一

辯說解

卷十二

記

卷十三

記

卷十四

傳

卷十五

傳

卷十六

行狀

廣東文選

卷十七

碑

卷十八

墓誌銘

卷十九

墓表

卷二十

書

卷二十一

雜著 雜文

卷二十二

題跋

卷二十三

贊銘箴誄

卷二十四

賦

卷二十五

賦

卷二十六

四言古詩

卷二十七

樂府 雜體

廣東文選

總目

三

卷二十八

五言古詩

卷二十九

五言古詩

卷三十

七言古詩

卷三十一

七言古詩

卷三十二

五言律詩

卷三十三

五言律詩

卷三十四

七言律詩

卷三十五

七言律詩

卷三十六

五言排律詩 七言排律詩

卷三十七

五言絕句詩 六言絕句詩

卷三十八

七言絕句詩

廣東文選

總目

四

卷三十九

七言絕句詩

卷四十

詞

廣東文選總目終

三間書院藏書

廣東文選卷一

楚黃劉茂容定

番禺趙善山選

敕 誥 制

敕十道朝集使

唐張九齡

敕朝集使等朕恭已承天守文繼位布一心於兆庶明四目於萬方恆恐道或未周物不遂性旁求俊乂共理黎元于茲羣辟寧不我副凡今政要畧有四端衣食本於農桑禮義興於學校流亡出於不足爭訟由於無恥故先王務其三時將以厚生也修其五教將以惇俗也有國有家同知此議不患不知患其不行爾且長吏數改政教屢移在官

廣東文選卷一 敕 十

當先為國理人各揚其職不當冒榮干進苟利其身澆俗不可不革淳風不可不長近令刺史在任四考方遷實欲始終其情黜陟斯繁必若賺得良宰萬戶息肩州有賢牧千里解帶仁政不遙行之則是皆能勵節朕復何有且如浮逃客戶所在安輯征鎮人家每事憂恤倉儲唯實賦役唯均鰥寡撫存盜賊禁止郵驛無弊姦訛不生念茲八事朕常屢想嗟爾庶尹可不用心卿等還州遞相勸勉遵此王度恤彼下人敬順天常無違月令夫星列躔次土分區域休咎之徵惟人所感善必知主惡亦有由每至歲成當加賞罰宜知朕意於即好去

南郊赦書

唐張九齡

朕獲主三靈于今一紀聽政中昃每不敢康觀書乙夜將求諸道而頃年已來每思至理或遠人勿率或嗣歲不登淳樸未還揚厲斯在為人上而慚德奉天明以畏威故祝史正辭必期於陳信郊丘備禮將俟於昇平今宗廟降靈克開厥後乾坤交泰保合太和麟鳳龜龍玄符黃瑞之祉蠻貊□□梯山航海之瑱莫不日月以聞道路相屬顧惟不德當茲休運欽若昭報疇咨故實所以今年獻春恭祠后土季秋吉日追崇九廟採必先於曾經稽肆類於虞典爰因長至欽謁上玄告受命之元符

廣東文選卷一 敕 二 南郊

昭嚴配之成績大典云備至誠克展諸侯駿奔來於穆之相百神受職率咸秩之文六變已陳三獻斯畢蓋春秋之大事莫先乎祀王者之盛禮莫重於郊柴燎克終感慶罔極豈予一人之福亦爾萬邦之賴室因咸和之際俾承厚下之澤可大赦天下嗚呼君臣一體休戚共焉朕欽承天命躬傳大寶蓋憑累祖餘業得一之符亦由羣公舊勳不二之力永言繫賴其敢忘之自武德已來實封功臣知政宰輔有身無人故而亡官實封子孫淪屈者所由勸責具狀以聞存者可籌其官榮逝者當錄其胤嗣使幽明同慶知有令辰

敕歲初處分

唐張九齡

敕天地以大德生羣有聖人以大寶守萬物古者受命之君謂之承天之序明有所代夫豈徒然道若無欽崇命不永保帝實臨汝人曷戴君朕所以每期庶乎合於仁覆之意也夫必義神農黃帝堯舜或誅而不怒或教而不誅彼亦何爲獨臻于此朕自有天下二紀及茲雖未能晝衣以禁亦未嘗刑人於市而政猶踳駁俗尚澆醕當是爲理之心未返於本耳凡人豈不仁於父母兄弟不欲於飲食衣服乎而卒被無孝友之名不溫飽之困其故何哉蓋未聞義方不識善道或任小智而爲詐或見小利而苟得致遠則窮繼之以暴已而身受戮誅家不相保愚妄之徒類多自陷訟獄之弊恆由此作吁可悲乎亦在教之不明也蓋刑罰者不獲已而用之天下黔黎皆朕赤子以誠告示其或之歸何必用威然後致理先務仁恕寧不懷之且五常循行豈須深識六親和睦何待丁寧自宜勉之以副所望刑措不用道在于茲今獻歲之吉迎氣伊始敬順天常無違月令所由長吏可舉舊章諸有嫗伏孕育之物蠢動生植之類慎無殺伐致令天傷九土異宜三農在候聚衆興役妨時害功特宜禁止以助春事至若家有征鎮人或孤惻物向

陽和此獨憂悴良可憫也亦宜所由隨事憂恤蓋不體仁無以爲長不知道無以用心故道者衆妙之門而心者萬事之統得其要會義可以兼濟於人失其指歸生不能自全於已故我玄元皇帝著道德經五千文明乎真宗致於妙用而有位者未之講習不務清淨欲令所爲之政教何從而致於太和者耶百辟卿士各須詳讀勉存進道之誠更圖前席之議至如計校小利綜緝煩文邀名直行去道彌遠違天和氣生人怨心朕甚厭之所不取也各勵精一共興玄化俾蒼生登於仁壽天下還於淳樸豈遠乎哉行之可至其老子道德經宜令廣東文選卷一

敕

四

改歲

士庶家藏一本仍勸習讀使知指要每年貢舉人量減尚書論語一兩道策准數加老子策俾敦崇道本附益化潭朕推誠與人有此教誠必驗行事豈垂空言今之此敕亦安家置一本每須三省以識朕懷

敕新羅都護金興光

唐張九齡

敕鷄林州大都督新羅王金興光賀正謝恩兩使
繼至再省來表深具雅懷卿位總一方道踰萬里
託誠見於章奏執禮存乎使臣雖隔滄溟亦如面
會卿既能副朕虛已朕亦保卿一心言念懇誠每
以嗟尚況文章禮樂粲然可觀德義輝裾浸以成
俗自非才包時傑志合本朝豈得物土異宜而風
流一變乃比卿於魯衛豈復同於蕃服朕之此懷
想所知也賀正使金義質及祖榮相次永逝念其
遠勞情以傷憫雖有寵贈猶不能忘想卿乍聞當
甚軫悼近又得思蘭表稱知卿欲以洪江置戍旣
富渤海衝要又與祿山相望仍有遠圖固是長策
且葢爾渤海久已遺誅重勞師徒未能撲滅卿每
疾惡溪用嘉之警寇安邊有何不可處置訖因使
以聞今有少物答卿厚意至宜領取春暮已暄卿
及首領百姓於平安好遣書指不多及

敕議放私鑄錢

唐張九齡

敕布帛不可以尺寸爲交易菽粟不可以抄勺貿
有無故古之爲錢將以通貨幣蓋人所作非天實
生頃者耕織爲資乃稍賤而傷本磨鑄之物卻以
少而致貴頃雖官鑄所入無幾約工計本勞費又
多公私之間給用不贍永言其弊豈無變通往者
漢文之時已有放鑄之令雖見非於賈誼亦無廢
於賢君況古往今來時異事變反經之義安有定
耶終然固拘必無足用且欲不禁私鑄其理如何
公卿百僚詳議可否朕將親覽擇善而從

勅日本國王書

唐張九齡

勅日本國王王明樂美御德彼禮義之國神靈所
扶滄溟往來未常爲患不知去歲何負幽明丹墀
真人廣成等入朝東歸初出江口雲霧斗暗所向
迷方俄遭惡風諸船飄蕩其後一船在越州界卽
真人廣成尋已發歸計當至國一船飄入南海卽
朝臣名代艱虞備至性命僅存名代未發之間又
得廣州表奏朝臣廣成等飄至林邑國旣在異國
言語不通竝被刦掠或殺或賣言念災患所不忍
聞然則林邑諸國比常朝貢朕已勅安南都護令
宣勅告示見在者令其送來待至之日當存撫發
遣又一船不知所在永用疚懷或已達彼蕃有來
人可具奏此等災變良不可測卿等忠信則爾何
負神明而使彼行人罹其凶害想卿聞此當用驚
嗟然天壤悠悠各有命也中冬甚寒卿及百姓並
平安好今朝臣名代還一一口具遣書指不多及

廣東文選

卷一

勅

七

教日

勅吐蕃贊普書

唐張九齡

皇帝問吐蕃贊普近實元禮往事具前書贊普後
來亦知彼意朕推心天下皆合太和況於彼蕃復
是親姪仍加結約盟誓再三以至道言之此亦仁
義不薄也而贊普且猶未信復是何心君長大蕃
固不容易所云去年七月雋州將兵抄掠兼有該
誘雋州之外尚隔諸蠻旣背吐蕃自行冠抄掠而
而乃推托於我何爲遙信虛詞且西南羣蠻別是
一物旣不定於我亦不專於吐蕃去卽不追來亦
不拒乃是兩界所有只合任其所歸自數十年來
或叛或附皆所親見豈假縷言往者此蠻背恩侵
我邊鄙昆明卽雋州之故縣鹽井乃昆明之本城
今復舊疆何廢修築而云除却是何道理且邊境
備守彼此常事今旣和好何有嫌疑至如西自慈
嶺已來沿邊諸處或地勢是要或水土是好彼有
城鎮亦皆內侵朕旣不解廣求更以自益緣已和
好不可細論且公墨山築城改城置鎮皆入漢界
何曾以此爲言而彼卽生詞未知何意邊城委任
當擇忠良無信小人令得間構夏中已熟贊普及
平章事並平安好遣書指不多及

廣東文選

卷一

勅

八

教

籍田制

唐張九齡

門下衆盛所以奉神祇耕籍所以助人力既義率
于下而敬在其中是爲先農存諸大典故周宣不
復于古而號公致諫漢文能修其政而班史美談
朕自御極以來動吝故實惟是千畝未展三推匪
神困人降灾移歲庸不在此良以慨然今星紀既
周土膏將動去農祥而不日考帝籍之以時朕其
親耕以實神庾宜令禮官博士詳擇典故有司速
卽施行

廣東文選

卷一

制

九

籍田

敕樞密副使富弼加都尉

宋余靖

朕昭事天地嚴配祖宗用祈洪休大庇黔首思與
一二輔佐同茲戡穀故疏霽寵渥冠於羣倫具官
某文竊變貫學通古今論議忠正有濟世之才謀
猷高遠有經國之用不辭忠難而夷險一心累避
榮寵而退靜自守由是擢登宥密翊贊機衡吞綏
遠附邇之能致同文同軌之治朕方親執玉帛恭
修燎峩而卿以撫循邊士不在侍祠之列朕甚思
之所宜賜以凌烟之號進以執珪之秩疇其茂勳
昭示異數忠之至者寵必厚汝其欽哉可

廣東文選

卷一

敕

十

敕樞

敕翰林學士禮部郎中宋祁 宋余靖

朕慎東俊德延登近署典司命令侍從惟懼所以
宣邦國之大謀訪古今之高議所懷忠實率多規
補立增秩序以寵材傑具官某通識照遠人之儀
表懿文高世學者宗師而自雍容朝闈領袖儒館
奉常樂志東觀史編執簡譔述厥勤茂焉內閣以
對右省更直咸推望實益見材美登王室之署勒
金華之講每觀通博之論愈知遠大之期集課遷
宮固有常制羽儀之用朕所望焉踐修厥猷往服
休命可

勅天下朝覲官員 明丘濬

朕惟祖宗受天命爲民牧而以天下生民付於朕
朕受祖宗命一人不能獨治而以天下生民付爾
司府州縣之官俾代朕分治茲當三年朝覲之期
爾兩京畿十三藩服若布政司若按察司若府州
縣若運鹽牧馬諸司各述所職來朝京師其中固
有恪勤官守克稱任用者矣然疲老不勝任貪殘
爲民害者亦往往有之已令所司慎加簡斥而廷
臣尤交章奏劾必欲悉寘爾等於理朕念人才難
得豈宜求全責備特用寬宥俾各歸舊任以圖後
功爾等宜省愆思過盡心效力緒績往政之善釐
正前事之失而又推求當務之急而次第行之惜
民之力而不輕勞惜民之財而無浪費惜民之命
而不輒肆殘虐心乎爲國念念在乎民事事關
乎心務使人人各得其所則爾等受朝廷之命爲
無負而朕於祖宗付託之命亦不忝矣顧不遑歟
雖爾等職任有大小地方有廣狹政務有繁簡然
皆服膺朕言以爲官箴而行之毋數則名位不患
其不崇家計不患其不立苟食焉而怠其事又從
而盜若貨器戕其人民不有人禍必有天殃尚相
與儆戒之哉故諭

牧馬地制

明梁儲

初秦王請陝之邊境益其封壤內交嬖臣江彬朱寧宦者張銳皆有賂爲之請武皇帝詔與之兵曹臣奏曰祖皇帝有令禁茲土不得畀藩封上不聽兵科臣諫又不聽六科十三道臣各執諫上曰朕念親親與之勿距大學士楊廷和當草制念曰若草制恐貽後悔不草又恐忤旨遂引疾大學士蔣冕亦引疾儲曰如皆引疾義與事君上震怒內臣督促草制儲承命草制武皇帝覽駭曰若是可虞其勿與制曰

昔太祖皇帝著令曰此土不與藩封非各也念此

廣更文選

卷一

制

三

牧馬地

土廣且饒藩封得之多畜士馬富饒而驕奸人誘爲不軌不利宗社今王請所懸篤朕念親親其畀地於王王得地宜益謹毋收聚奸人毋多畜士馬毋聽狂人勸爲不軌震及邊方危我社稷是時雖念保全親親不可得已王慎之毋忽

東閣大學士申時行誥命

明王弘誨

朕尊親致孝徽稱特薦于慈闈錫類推仁寵數先加於近弼矧茲新參之任實惟舊德之良屬柄用之方殷宜眷懷之示異茂揚休命敷告在庭咨爾太子賓客吏部左侍郎兼東閣大學士申時行道負天民才兼王佐有濟世之謀略而涵養皆醇有華國之文章而學術尤正起自殿廷之首唱蔚爲翰苑之名流歷事三朝咸有一德拔書秘閣典墳歲效于編摩進講經筵道德日親于啓沃翺翔重地洊歷華階常供奉于燕閒殫勤勞于夙夜綰院章而裁史局直筆彌彰宅詹尹而典文衡得人爲盛賓客崇東朝之望秩宗副南省之榮比會推于羣寮遂升華於少宰識懸明鑒綜國典以詔王節秉素絲贊天官而聽治乃言嘉績之可底時會慶禮之甫成是用陟之舊僚加諸相位俾參紫樞之務晉聯黃閣之班雖獨斷自朕衷實允諸夫僉舉并稽功載申布贊茲特進爾階通議大夫錫之誥命於戲惟帝賚予而夢弼將康兆民以正四方故岳降神而生申乃採萬邦而開四國爾尚思至難得者君臣之遇至難成者德業之隆其克勵於明時庶有辭於永世

廣更文選

卷一

誥命

一

東閣大學士

少保大學士張四維誥命 明王弘誨

朕肇稱嘉禮晉號慈闈爰敷慶於明廷肆疇庸於秘殿睠予良弼茂殫純忠望切台衡釐百工而熙帝載位隆宰輔咸一德以承天休寵數宜先倚毗斯稱咨爾少保兼太子太保禮部尚書武英殿大學士張四維命世英資匡時名佐沉涵卓識該皇帝王伯之猷與學高文追謨訓風雅之烈自昔翺翔玉署以至供奉金華制作多一家之言開陳悉二典之蘊徧儀法從周踐清塗眷注久屬于先皇簡在聿勤于初服爰從南省入踐中台同撫軍國之籌並授樞筦之重爾則忠可以任大事道足以廣東文選

卷一

誥命

王弘誨

少保

大學

封信王冊文

明李孫宸

維天啓二年歲次壬戌九月甲午朔某日皇帝制曰自古帝王之御天下欲固盤維之重必資藩輔之封我朝謨烈不忘親賢澤永率繇斯道朕躬承天序恪守前規豈茲大猷敢忘祇奉咨爾第五弟睿名性質溫粹器宇岐嶷宜錫顯封以篤友愛茲特冊爾爲信王錫之茅土傳世無斁於戲親之欲貴愛之欲富朕實敦兄弟同氣之恩大師維垣大邦維屏爾尚隆本支百世之助德務少成其若性學有緝熙于光明庶幾永終譽命以篤祐爾躬垂光來裔欽哉

廣東文選

卷一

誥命

王弘誨

封信

廣東文選卷二

楚黃劉茂溶定

番禺黃氏選

疏

報文帝書

漢趙佗

蠻尸大長老夫臣佗昧死再拜上書皇帝陛下老夫故粵吏也高皇帝幸賜臣佗璽以為南粵王使為外臣時內貢職孝惠皇帝即位義不忍絕所以賜老夫者甚厚高后自臨用事近細士信讒臣別異蠻尸出令曰毋予蠻尸外粵金鐵田器馬牛羊卽予予壯毋與牝老夫處辟馬牛羊齒已長自以祭祀不修有死罪使內史藩中尉高御史平凡三

廣東文選

卷二

疏

一

報文

不安席食不甘味日不視靡曼之色耳不聽鐘鼓之音者以不得事漢也今陛下幸哀憐復故號通使漢如故老夫死骨不腐改號不敢為帝矣謹北面因使者獻白璧一雙翠鳥千犀角十紫貝五百桂蠹一器生翠四十雙孔雀二雙昧死再拜以聞皇帝陛下

同前

蠻尸大長老夫臣佗前日高后隔異南越竊疑長沙王讒臣又遙聞高后盡誅佗宗族掘燒先人家以故自棄犯長沙邊境且南方卑溼蠻尸中間其東閩越千人眾號稱王其西甌駱裸國亦稱王老

廣東文選

卷二

疏

二

報文

臣妄竊帝號聊以自娛豈敢以聞天王哉乃頓首謝願長為藩臣奉貢職